

G  
C  
1046 | m 3

REGIALE  
PRAEPOSITI  
DOMVS  
PROFESSOR



VENETIIS M D LXXX  
Cum facultate imprimendi



R E G V L A E  
P R A E P O S I T I

DOMVS PROFESS AE.

De ijs, quæ ad eius personam, & totius domus  
adminiftrationem pertinent. Cap. I.



**Q**UONIAM *M N I* studio enitatur, ut talis sit, P. 4. c. 10.  
§. 4.  
qualis optatur Rector in nostris Con-  
stitutionibus, atque eò magis, quòd  
illis præsit, quos viros spirituales, &  
perfectionis studiosos esse oportet.

2 Primam officij sui curam in eo positam esse in- P. 4. c. 10.  
§. 5.  
telligat, ut oratione, & sanctis desiderijs totam do-  
mum, uelut humeris suis sustineat; & quæcunque  
in ijs, quibus præest ad ipsorum, aliorumque edifi-  
cationem, iuxta instituti nostri rationem optare de-  
bet, prius in seipso prestare studeat.

3 Communes regulas ipse seruet, & singularita-  
rem in cibo, indumentis, & aliarum rerum usu, quan-  
tum fieri potest uitet, & familiaritate, atque indul-  
gentia cum quibusdam, alios ne offendat.

4 Intra annum postquam officium Præpositi in- P. 4. c. 10.  
§. 10. &  
Can. 42.  
§. 1. congr.  
ierit, quadraginta diebus Christianam doctrinam eo

A 2 modo,

modo, quo in secunda Congregatione expositum est, legat, aut doceat; sed ex causa per alium id munus cum facultate Prouincialis obire poterit.

5 Consuetudines receptas, & a Generali, uel Prouinciali approbatas seruet, ac seruari faciat: Si tamen aliqua alia à precedenti Praeposito inducitur fuerit, non mutet inconsulto Prouinciali: ipse uero, nisi suo Superiore approbante, nullam introducat.

T. 4. c. 10. §. 5. & 6. 6 Eos, qui domestica obeunt ministeria (exceptis quibusdam, quorum electio ad Prouincialem pertinet) prudenter constituat, suas cuique regulas tradat, aliquando uisitet, & prout in Domino conuenire iudicabit, uel in eisdem ministerijs detineat, uel ab eis remoueat.

a Ibidem lit. E.

Quia uero officia quaedam, ut bene fiant, experientiam requirunt, qui ad ea idonei inueniuntur, non facile mutari debebunt.

P. 4. c. 10. §. 6.

7 Ut prospicere officialibus de subsidio, si necessarium id fuerit, ne labore grauentur debeat, ita cum tempus uacuum illis fuerit, ut illud utiliter impendant diuino seruitio curabit.

T. 2. c. 1. §. 11.

8 Etsi potestatem habet designandi confessarios suis subditis, ordinarium tamen confessarium domus non constituet sine approbatione Prouincialis.

P. 6. c. 5.

9 Quamuis in uirtute obedientiae iubere potest, non nisi rarissime, & ex graui ac uigenti causa id faciat.

10 Ordinarias tantum paenitentias imponat, quales sunt parua mensa, publica reprehensio, conclusio in circulo, edere sub mensa, osculari aliorum pedes,

DOMVS PROFESSAE. §

des, orare in refectorio, dicere culpam suam, subtractio cibi paulatim usque ad panem, & aquam, si res postulauerit, disciplina publica in refectorio, & alia exercitia humilia, & domestica.

11 Sicut ad Præpositum pertinet dispensare in Regulis, & Constitutionibus, & Decretis Congregationum generalium cum particularibus, quando necesse erit; sic & cum dispensauerit in rebus maioris momenti, quæ uidentur urgere, & in quibus sine graui incommodo Proouincialis responsum expectari non potest, eum primo quoque tempore de huiusmodi dispensatione, ac eius causa admonere.

12 Nomina eorum, qui uota solemnia, uel simplicia emiserunt, in libro ad hoc parato notentur; in Professis quidem, & Coadiutoribus formatis cum nominibus admittentium; in reliquis uero post biennium cum nominibus celebrantium, adnotato loco, & tempore, iuxta Constitutiones.

13 Quas habeat facultates, partim ex ijs, quæ ipsi in his regulis conceduntur, partim ex compendio facultatum Societatis intelligat, ut in ijs, quas non habet, sciat ad Superiorem recurrere.

De ijs, quæ Præpositum ad bonam administrationem iuuabunt. Cap. II.

14 **S**it sollicitus, ne Minister, & reliqui officiales suo desint officio, omissis alijs, quæ possent impedire.

A 3 Singu-

6 . . . . . DOMVS PROFESSAE.

7.4.c.10. 15 Singulis saltem hebdomadis cum suis consultoribus conueniat, deque rebus maioris momenti, quae pro temporum, & negotiorum uarietate occurrunt, cum illis agat. quamquam ijs auditis penes ipsum erit de singulis statuendi facultas.

16 Consultores, aliosque omnes, cum ei aliquid proponunt, libenter, & benigne excipiat, & praecipue eum, cui monitoris officium commissum est; efficiatque ut in sua domo, quae in formula scribendi praescribuntur, feruentur.

17 Institutum Societatis cognoscat ex lectione literarum Apostolicarum, Constitutionum, & Decretorum generalium Congregationum: magis autem particularia ex lectione Regularum tam communium, quam officij sui, & aliorum, qui sub ipsius cura sunt, ac Prouincialis, & compendij facultatum Societatis, atque ex obseruatione consuetudinum receptarum, ac demum ex recursu ad Superiorem in ijs, de quibus dubitabit.

18 Libellum habeat, in quem referat quaecumque sibi ad bonum domus statum subinde occurrerent, ne memoria excidant, praecipue illa, de quibus ad Generalem, uel Prouincialem scribendum putat.

19 Pro occurrentibus necessitatibus communibus, & priuatis missas, & orationes suorum (moderate tamen) iuxta consuetudinem Societatis applicare poterit.

De

## De cura nostrorum in spiritu. Cap. III.

20 **C**VRET, ut cuique in suo officio integram P. 4. c. 10. §. 2.  
obedientiam cateri praestent, & officiales  
Ministro, & sibi etiam omnes; studeatque eisdem  
exemplo obedientiae praere, quam ipse suis Superio-  
ribus, quos Christi loco habet, praestare debet.

21 **Det operam, ut Constitutiones, & Regulae ob** P. 4. c. 10. §. 5. & p. 6. c. 1. & p. 10. §. ult. c. In prob. declar.  
seruentur: omnibus domesticis cum omni sollicitu-  
dine inuigilet, eosdemque ab ijs, quae nocere possint  
domi, & foris defendat, tum praeveniendo, tum etiã,  
si quid mali acciderit remedium adhibendo.

22 **Efficiat, ut sibi, vel alijs ab ipso deputatis sta-** In ex. c. 4. §. 36. 38. & 41. & p. 6. ca. 1. §. 2.  
tis temporibus ratio conscientiae reddatur, à Pro-  
fessis quidem, & Coadiutoribus formatis semel in an-  
no, ab alijs uero bis: & aliquos praeterea maturiores  
Patres assignet, qui eorum confessiones generales  
excipiant, nisi Prouincialis tunc adsit.

23 **Meminerit, ut scholastici, si qui erunt, &** P. 4. c. 4. §. 5. & p. 5. c. 4. §. 6. & C. 39. tr. congr.  
coadiutores non formati, bis singulis annis circa  
festa Circumcisionis Domini nostri, & Apostolo-  
rum Petri, & Pauli nota sua renouent, praemissis  
ijs, quae fieri solent.

24 **Singulis, vel alternis diebus Veneris ex-** P. 3. ca. 1. §. 25.  
hortationem nostris vel ipse faciat, vel aliquis alius,  
qui rationem nostri instituti bene teneat, in qua aga-  
tur de obseruatione Constitutionum, & Regularum,  
de fraterna caritate, humilitate, patientia, mortifi-

catione, & alijs virtutibus, praesertim de obedientia, tamen si exhortationis loco, spiritualis collatio eisdem de rebus aliquando haberi potest.

25 Crebro, & magna caritatis significatione alloquatur subditos, eorumque necessitatibus non corporis tantum, sed multo etiam magis anima, paterno affectu, prospiciat. Si quem uero intelligat aliquam tentatione pulsari, praesertim graui, eius peculiarem curam, & sollicitudinem non solum per se, sed etiam, si necesse fuerit, per alios gerat, nec remedium longius differendo difficiliorem morbi curationem reddat.

Par. 3. c. 7. 26 In correctionibus & penitentibus iniungendis rationem habebit dispositionis personarum, & edificationis vniuersalis, & particularis earum, ad gloriam Dei.

Par. 3. c. 1. 27 Nisi prudentia rebus particularibus adhibita alter procedendum distauerit, illud in correctionibus obseruet, ut ij, qui pec cant, primo in caritate, & dulcedine admoneantur: secundo in caritate quidem sed eo tamen modo, ut eis confusio, & rubor iniiciatur: tertio amor ea, quae timorem incutiant, si opus erit, adijciantur.

Par. 3. c. 1. 28 De publicis defectibus publica debet esse penitentia, ijs tantum, quae ad omnium edificationem faciunt, declaratis.

29 Poterit mittere interdum aliquem ex suis, ut ostiatim petat eleemosinam, aut ut inserviat hospitali

tali, aut comitetur emptorem, aut in plateis concio-  
netur, Christianamue doctrinam doceat, prout ma-  
gis in Domino expedire videbitur, habitatione  
edificationis, & spiritualis utilitatis nostrorum.

30 Delegare poterit Confessario, uel alijs uices  
suas, ut eas pœnitentias approbent, uel improbent,  
quas, ad maiorem sui spiritus profectum, assumere  
quisque uolet. In ex. c. 1.  
lit. C.

31 In danda facultate ieiunandi sicut & in alijs  
pœnitentijs concedendis, uideat ne mensuram re-  
tæ rationis excedat; detque operam, ut omnes in-  
telligant ad singularitatem non pertinere, si quis  
ieiunet alijs non ieiunantibus, dummodo ordinaria  
consuetudo ieiunandi, quæ iuxta constitutiones non  
sit, non introducatur. I. congr. ti.  
6. Decreto  
17. & in  
ex. c. 1. §. 6

32 Vnio, & conformitas mutua diligentissime  
curanda est, nec ferenda inter ullos domesticorum  
perturbatio, uel ira mutua. si quid autem huius-  
modi accideret, curet ut statim cum satisfactione  
debita in gratiam inuicem redeant. P. 3. c. 1.  
§. 18.  
d. Ibidem.  
lit. P.

33 Tam ipse, quam omnes alijs Sacerdotes, qui ei  
videbuntur, iuxta constitutiones, aliquando intra  
annum, officium, uel officia eorum, qui domi inser-  
uiunt, ad tempus aliquod obibunt. Par. 3. c. 1.  
§. 19.

34 Non permittat nostros, qui Sacerdotes non  
sunt, frequentius, quam octauo quoque die commu-  
nicare, nisi particulares ob causas, habita magis ra-  
tione necessitatis, quam deuotionis: diebus tamen

A 5 solem-



solemnibus in hac re dispensare poterit.

In ex. c. 4. 35 Videat scripta, & literas omnes, quae scribuntur ad domesticos, & quas ipsi alijs scribunt, aut aliquem virum fidelem, & qui donum discretionis habeat, domi constituat, quae eas lectas reddat, aut non reddat, prout in Domino magis expedire indicabit, sibi que referat, si quid inuenerit, quod tanti momenti sit, ut de eo Superior monendus videatur. res autem vanas, aut quae alia ratione offendere possint, neminem scribere permittat: nec sigillum quemquam habere sinat sine Prouincialis facultate.

P. 3. c. 1. S. 36 Non sint domi arma, nec instrumenta musica, nec libri uani, aut lasciuui, nec noui quicquam in recreationibus introducatur.

### De auxilio animarum. Cap. IIII.

In ex c. 1. 37 **M**EMINERIT hoc pertinere ad scopum totius Societatis, ut ad animarum salutem, & perfectionem cum diuina gratia promouendam incumbat, & nostri instituti puritatem in domibus professis, praecipue elucescere debere, quae non tam circa media ad hunc finem praeparanda (quemadmodum Collegia) quam circa finem ipsum, & usum mediorum ad eum conferentium uersantur.

38 Videat, an nostri zelum habeant animarum,

&

Et an strenuè, ac diligenter earum salutem procurarent, ut ij solent, quos sanctus Dei amor impellit, nec solum immoderatos pro ratione uirium labores suscipi non sinat, sed multo etiam minus in proximis iuuandis negligentiam toleret.

39 Proponatur populo assidue in Ecclesia uerbum Dei in prædicationibus, & sacra scriptura, vel doctrina Christiana lectionibus, quod etiam in alijs Ecclesijs, plateis, & locis præstare potest, quando ad maiorem Dei gloriam conferre uidebitur: nominatim uerò puerorum, ac rudium personarum in Christianismo institutionem tanquam proprium nostræ uocationis ministerium ualde commendatum habeat: e intelligatque Christianam doctrinam canendo doceri posse, ubi ad maiorem edificationem id fore obseruabitur.

40 Procuret diligenter, ne desint designati confessarij, qui domi in administrationem sacramentorum confessionis, & communionis cum fructu exerceantur: quique extra domum ægrotorum confessiones audire, morientibus opem, ferre, & eos, qui in carceribus, & hospitalibus inueniuntur visitare, & consolari possint, & reliquis pietatis operibus, quæ in literis Apostolicis instituti nostri, & Constitutionibus proponuntur, incumbere. sed hæc omnia ipse iuxta ordinem à Prouinciali præscriptum exequatur, qui pro ratione loci, & copia nostrorum metietur, quantum in huiusmodi rebus opera sit

ponen-

Par. 4.c.8.  
§. 3. & 6.  
& p.7.c.4.  
§. 6. & 7.  
& Cã. 54  
& 55.  
tri. congr.

e Ibidem.  
Can. 41.

Par. 4.c.8.  
§. 4. & p.  
7.c.4. §. 5.  
& 9. & in  
Bullis no-  
stri instit.  
Paul. 3. &  
Iul. 3.

ponendum.

T. 4. c. 8. §. 5. & p. 7. c. 4. §. 8. 41 Curet, ut nostri in spiritualibus exercitijs tradendis accurate exerceantur, postquam ea in se fuerint experti; nullus tamen deberet ea tradere, nisi prudentia, ac rerum spiritualium usu satis probatus esset.

42 Si operariorum copia suppetet, poterit suos mittere ad alia loca vicina, habito consensu Prouincialis, ut similibus operibus caritatis functi domum, constituto tempore redeant.

43 Non permittat eodem tempore omnes Sacerdotes abesse, sed semper domi, aut in Ecclesia aliqui maneant, qui occurrentibus necessitatibus proximorum satisfacere possint.

44 Cum quis praedicationi, lectioni sacrae, aut confessionibus audiendis vacat, prouideat ne studij tempus, aliaue necessaria illi desint.

Par. 4. c. 8. §. 2. & p. 7. c. 4. §. 5. & 6. 45 Si quis ad sacros ordines promouendus, aut in confessarium, uel concionatorem esse eligendus uidebitur, Prouincialem admoneat.

46 Si quem ex ijs, qui in Ecclesia nostra assidue ad sacramenta accedunt, intelligeret uitae suae exemplo alios offendere, quantum in ipso est, remedium per confessarium, uel aliquem alium conuenienti ratione adhibere curet.

Par. 6. c. 3. §. 5. 47 Non permittat, ut nostri curam mulierum religiosarum, & aliarum quarumcunque suscipiant, ut ordinariè illarum confessiones audiant, uel ipsas regant:

regant: quamvis nihil repugnet aliquando apud eas concionari, aut semel vnius Monasterij confessiones speciales ob causas audire; quod tamen non fiet, nisi postulent ij, qui eis presunt.

48 Et si proprium Prepositi officium est domum sibi commissam diligenter, ac fideliter gubernare, neque is propter aliud quidquam huic muneri deesse debet, si quando tamen per officij sui occupationes licebit, & concionari, & confessiones audire, & alia Societatis Ministeria exercere poterit, ac debebit.

Par. 2. c. 6.  
S. 1.

De ordine domestico. Cap. V.

49 **Q**uotidie post orationem matutinam fiat sacrum, cui intersint omnes, qui sacerdotes non sunt; nisi aliquibus propter peculiare occupationes aliud tempus ad sacrum audiendum concessum sit.

50 Quando nostri ad sacram communionem accessuri sunt, presertim diebus Dominicis, curet, ut in Ecclesia si commodè fieri potest, id faciant, separati tamen ab externis, quantum locus feret.

In ex. c. 4.  
S. 25. & p.  
3. c. 1. § 11

51 Tempore orationi, & reliquis exercitijs assignato sit aliquis, qui obseruet, num omnes ijs uacent, quod & Minister, & ipsemet Prepositus aliquando faciat.

52 Syndicum secretum domi constituat. cuius officium

**P. 3. c. 1. §.** *ficium erit obseruare in omnibus, quod ad honestatem, & decentiam externam pertinet, Ecclesiam, 16. & p. 4. e. 10. §. 7.* *& domum in locis publicis perlustrando, & si quid, quod non conueniat, annotauerit Superiori referendo.*

**f P. 3. ca. 2. lit. E.** *53* *A posteriore prandij signo ad caenam, octo, ut minimum, horae intersint: aliquid uerò amplius usque ad refectiunculam uespertinam diebus Veneris, & ieiuniorum, iuxta morem regionis, & a tempore autem, quo se nostri cubitum receperunt usque ad signum, quo excitantur, septem.*

**Can. 14. 1r. congr.** *54* *Benedictio, & gratiarum actio in refectorio iuxta usum breuiarij Romani in prima mensa fiant: In secunda uerò, & priuata, retineri possunt antiqua benedictio, & gratiarum actio, quae à singulis submisise, & stando fieri debent.*

**Can. 92. 1r. congr.** *55* *In mensa Sacerdotes praecedant alios ad eum gradum non promotos; sed nec inter Sacerdotes, nec inter eos, qui Sacerdotes non sunt, ullus ordo constituatur.*

*56* *Si aliqua de causa Praepositus prima mensae adesse non poterit, curet, ut Minister adsit.*

**P. 3. c. 2. lit. D.** *57* *A prandio, & à caena hora una, diebus autem ueneris post refectiunculam uespertinam dimidia recreationi religiose impendatur, idque in uno loco, si commodè fieri poterit, sed neque extra huiusmodi horas labores nimium continuari, sine aliqua conuenienti relaxatione, sinat.*

Conse-

58 Conferentia casuum conscientia bis, aut ter singulis hebdomadis habeantur, quibus Sacerdotes omnes, qui commodè poterunt, interesse debent Preside docto aliquo, qui ea, de quibus agetur, luculentius explicare, ac definire possit.

De ijs, quæ pertinent ad res temporales. Cap. VI.

59 **M**agno, & constanti animo speret a Divina bonitate suæ domui subsidia temporalia adijcienda, si & nostri ad quærendum Dei regnum sibi, & proximis seriò incumbant, & ipse ratione indigentia instituti nostri integritatem violari nunquam permittat.

60 Habeat Procuratorem, qui eleemosinas petat, cui alios ad eam rem substituere poterit, si necessarium iudicabit, ita tamen, ut quam paucissimi in mendicando occupentur. P. 6. c. 2. §. 10.

61 Singulis mensibus à Procuratore rationem accepti, & expensi presente Ministro exigat, ut notius domus administrationis ratio ipsi constet, eam que reddere possit cui, & quando per Superiorem constituetur. caveat autem, ne domus alieno ære grauetur. P. 4. c. 2. §. 5. & p. 2. c. 3. §. 4. lit. C.

62 In ijs, quæ ad rationem victus, & aliarum rerum vitæ necessariorum, aut convenientium spectant, quamvis curandum est, ut communis illa sit, P. 6 c. 2. §. ult. lit. N.

Et ualitudini nostrorum accommodata; habendataz men semper est ratio humilitatis, paupertatis, ac spiritalis edificationis in Domino.

63 Vt curare debet ne ij, qui in vinea Domini magno cum proximorum fructu se exerceant, necessario subsidio priuati maiora bona relinquere cogantur, neue morbo, aut etate debiles ministerio fraternæ caritatis destituantur, ita ijs, qui neutra ratione aliorum indigent opera, adiutores assignare non debet.

In ex. c. 1. §. 4. Et p. 4. c. 2. lit. F. Et p. 6. c. 2. §. 3.

64 Si cui particulari quidpiam ab externo aliquo mittatur, id in communem usum accipiatur, ac dispensetur.

65 Caueat ne domus ipsa, aliquisue professorum, aut coadiutorum redditibus Collegiorum, præterquam in rebus minimis utatur.

par. 6. c. 2. lit. E.

66 Si quid stabile donatum, legatumue domui fuerit, Prouincialem admoneat, ut quamprimum vendatur, Et pretium in usibus necessariis iuxta illius iudicium expendatur: temporis tamen opportunitas ad uendendum non est excludenda.

Can. 71 tri. congr.

67 Lites forenses fugiat, nec ullam inconsulto Prouinciali intentet, nec intentæ respondeat, nisi cogatur.

par. 3. c. 1. §. 7. Et p. Et c. 15. Et 16. tri. congr.

68 Si bona alicuius ex nostris distribuenda essent, si ineundi contractus, si fabrica alicuius momenti, Et expensæ extraordinariæ faciendæ, aut si bona offerantur cum aliqua obligatione, rem ad

Prouin-

Prouincialem deferat.

69 Depositum pecunie nullum profus admittat; aliarum uero rerum non nisi cautissime, dummodo sint eorum, quibus multum debeamus, aut alioqui id officij, sine magna offensione, denegari non possit.

70 Neminem ex nostris in causis ciuilibus, ne dum criminalibus examinari (nisi, qui ad peccatum obligare potest, compelleret) permittat absque licentia, quam minime dabit, nisi in causis, quae ad religionem Catholicam perinent, aut alioqui pie sint, & ita vni saueant, vt non in alterius detrimentum cedent.

Par. 6. c. 3.  
§. 8.

71 Nullum domi iumentum equitandi causa ad usum alicuius de ipsa Societate ordinari habeatur, nisi aut propter continenter infirmam alicuius uel letudinem, aut propter publica negotia, id necessarium, & urgens iudicaret Generalis.

Par. 6. c. 2  
§. 14.

g Ibidem  
lit. K

De communicatione cum externis, & gratitudine erga fundatores, & benefactores. Cap. VII.

72 **M**ulieres inuisere, aut ad eas scribere, nisi in necessitate, aut cum spe magni fructus non sinat, nec hoc quidem permittat nisi uiris ualde probatis, & prudentibus.

73 Non permittat fœminas domum nostram ingredi.

Par. 3. c. 1  
§. 14.

Curet



*Par. 6. c. 2. §. 2.* 74 Curet ne primarios uiros inuisere nostri consueſcant, niſi ſancto ſtudio piorum operum ducerentur, uel quando intima beneuolentia in Domino coniuncti eſſent.

*P. 6. c. 2. §. 2.* 75 Non ſinat offerri munuſcula, quæ magnatibus ad res maiores obtinendas offerri ſolent.

76 Non permittat, ut noſtri cibum capiant apud externos, aut ab eis, cum ægrotant, uiſitentur, niſi cauſa non leuis momenti ad id concedendum moueret quam eandem eſſe oportebit, ſi quando externus aliquis ad menſam præſertim reſectory, inuitandus uideretur.

*P. 10. lit. B.* 77 Amicos conſeruare, & eos, qui malè erga nos affecti ſunt, præcipue ſi homines ſunt non uulgaris auctoritatis, orationibus, & rationibus conuenientibus in amicitiam reuocare, aut ſaltem ne aduerſarij ſint, efficere ſtudeat.

*Par. 4. c. 1.* 78 Obſeruet, quæ erga fundatores, & benefactores, tam uiuos, quam mortuos obſeruanda ſunt, eiſque gratitudinem exhibeat, & ſi quam aliam obligationem domus habet, ei ſatisfieri curet.

De iis, qui admitti petunt, ad domum diuertunt, aut foras mittuntur. Cap. VIII.

*¶ P. 1. c. 1. §. 2.* 79 **I**N ſocietatem neminem admittat, niſi à Generali, uel Prouinciali id ipſi committatur, <sup>h</sup> ſed de ijs, qui admitti petunt, ad Prouincialem referat, uel

uel scribat, quales illi sint, & quibus donis Dei preediti.

80 Si is, qui admitti petit, ad institutum Societatis ualde idoneus uidebitur, & necessitas urgeret, poterit eum tanquam hospitem domi recipere, donec responsum à Prouinciali accipiat, uel eum ad eundem mittere, si expedire iudicauerit.

P. I. c. 1.  
lit. A.

81 Recedentem sine licentia ab alio loco Societatis, uel ab ea dimissum non admittat, sed si expedire uideretur ad Prouincialem de eo scribat, & eius ordinationem expectet, illo domi, ut hospite, uel in alio pio loco, si uidebitur, detento.

Par. 2. c. 4.  
S. 1. & lit. A.

82 Caritatem magnam exhibeat erga alios de societate per domum transeuntes, eosque amanter hospitio excipiat, & ac meminerit se aliquo uiatico, aut eleemosina eos, si indigerent, iuuare posse: curet item diligenter dirigere, ac iuuare expeditiones hospitum, qui negotiorum causa domi uersantur.

i P. 4. c. 2.  
lit. F. & p.  
6. c. 2. lit. D.

83 Externi ne accipiantur hospitio, ut domi pernoscant, nisi ij sint, quibus multum debeat, aut id officij sine magna offensione pretermitti non possit: quia in re habeatur precipua ratio religiosorum, cum necessitatis causa ad nos diuertunt.

84 Cum quis domo egredietur det ei socium conuenientem: si quando autem aliquis solus foras mittitur, is sit, cui merito possit confidere.

Par. 3. c. 1.  
S. 3.

85 Neminem ex sua domo in alium locum mittat sine literis patentibus.

P. 7. c. 2.  
lit. M.

Si

p. 3. cap. 2.  
lit. G.

86 Si quis experimento comperiretur ferre non  
posse domus cælum, & male habere continenter  
cerneretur, uel alia ratione uideretur mutandus,  
Prouincialem admoneat, an aliò mitti debeat.

87 Profecturi ad alia loca, ea, quam sottanam  
uocant, & alijs interioribus indumentis quibus  
utuntur, priuari, non debent, nisi forte ratio tempo-  
ris, aut alioqui caritas suaderet, melioribus esse con-  
mutanda: pallium quoque eis relinquatur,

ubi eo nostri pro penula uti in itinere

consueuerunt: ubi autem penula

utentur, pallium non dese-

rant: nec quicquam

secum aspor-

tent,

sine facultate Su-

perioris.





REGVLAE  
RECTORIS  
COLLEGII,



VENETIIS, M D LXXX.

*Cum facultate superiorum.*





Cinquecentina

n. 391

18



Fondo librario antico dei Gesuiti italiani  
[www.fondolibrarioantico.it](http://www.fondolibrarioantico.it)



